

爛喉丹痧輯要



爛喉痧輯要敘

爛喉痧至危之症也。寒煖非時，鬱成厲毒。一鄉傳染，相同卽是天行之瘟疫也。與尋常咽喉通行痧俱迥然不同。道光丙戌己酉兩年，吳下大盛。余親友患者甚眾，醫家不能深察，雜用寒涼，目擊死亡者夥矣。良由冬不藏陽，無冰少雪，溫邪為寒所束，若乘勢表散邪從暢汗者得生，否則無有不殞命者。予亦患此症，賴陳君莘田重為表汗，始得痧透而痊。由是潛究喉科痧症諸書，頗自致疑。後得經驗闡解一編，不著撰人姓氏，寥寥數頁，要言不煩，痾痧治法另闢一途，足補喉科之未備。余於此症固已深知灼見矣。因考古證今刪增闡解原文，備採要法，著為此編，非逞臆說也。竇以閱歷有年，方知此證重在發表，不在治喉。其喉科自有全書，毋庸夾雜。若乃此症四時皆有，是在隨時活變。總之暢汗為第一義也。

元和金德鑑保三甫譔

爛喉痧輯要

痧痧經驗闡解總論 原本

近年喉痧一症。日甚一日。且多殞命者。其故何也。祇緣舍本求末。重於咽喉。忽於痧子。早進寒涼。遏伏厲邪之故耳。蓋天有六氣。俱能生殺萬物。凡疾風暴雨。酷暑嚴寒。四時不正之氣。即為厲氣。人若感之。便能為害。邇年天道南行。冬不藏陽。每多溫暖。及至春令。反有暴寒折伏。皆為非時不正之厲氣。感觸者。蘊釀成病。所以其症發必一方。長幼男女相似。寒為傳染。與厲疫同。稟氣旺者。雖感重邪。其發亦輕。稟氣弱者。即感微邪。其發亦重。夫入肺主一身之氣。肺主皮毛。脾主肌肉。肺開竅於喉鼻。鼻氣通於天氣。受邪之時。從口鼻而入於肺。脾發必由肺脾而出於肌表。當厲毒發作之時。熱淫之氣。浮越於肺之經隧。所以必現咽喉腫痛。鼻塞噴嚏。咳嗽胸悶。嘔惡。渾身痠痛等形。此非厲邪痧子為本咽喉咳嗽等形為末乎。今醫不究其受病之因。乃執內經諸痛屬火。紅腫為熱。急進寒涼。甚至用犀羚石膏金汁黃連等味。稍兼辛涼表散。以為雙解之法。體質強旺者。幸藉元氣充足。或以敵邪致愈。稟之單弱者。即變音啞喉腐。氣促腹瀉。齒鼻流血。舌縮唇焦。膚乾無汗。發厥口噤。種種險候。醫家見之。猶曰病重藥輕。更以寒涼倍進。必致痧毒內陷。燔灼愈騰。喉閉痰升。命歸泉路。要知頭面紅腫。焮赤。正痧毒外達之勢。當此之時。需進表散開達之劑。寒涼清膩等藥一味。不可兼雜。使其痧從汗透。則其毒自然不留。其毒既洩。咽喉豈有不愈所

以先賢諸敗毒散中皆用表散亦同此意命名也余非業醫者因從前子女慘遭其害爰是潛心醫學研究歲運司天數年以來稍悟一斑凡有親友患此者商治於余皆以表散開達為主直待痧回腫退鼻有清涕遍身作癢脫皮方進涼血清解之味靡不應手速效近見蘇杭此症盛行殞命者不少予仰體上蒼好生之德敢將一得管見佈告四方並非立異忌能炫玉求售惟冀醫林高士藥業仁人鑒余微忱勿加訕詈則患者幸甚余亦幸甚

論症 原本


一凡形寒壯熱咽喉腫痛頭痛咳嗽胸悶鼻塞嘔惡兩目汪汪手足指冷脈來濡數或現浮數此即厲邪痧症需進後方荊防葛根湯兩三劑俟其暢汗痧透點至足心舌有楊梅刺方進辛涼清解之味總之痧慎於始若有一毫胸臆未清便是痧症未透不可早進寒涼遏伏以致不治

一凡痧症欲出未出之時宜早為發散以解其毒則無餘患若不預解使之盡出或早投寒涼遏伏多致毒蓄於中或為壯熱日久枯痺或成驚癇或為瀉痢或為咽喉腐爛咳嗽喘促或作浮腫疳蝕而死此雖一時戾氣之染然未有不由於人事之未盡也

一凡痧疹逡巡不出者乃風寒外束皮膚閉密也宜荊防葛根湯主之外用羌荊酒苧麻

蘸酒憂之 恐露體冒風  
可不必用

咽喉如有腫痛腐爛者宜合玉鑰匙散頻頻吹之





一凡形寒發熱面若裝礫痧不出肌即現上吐下瀉腹痛如絞甚至發厥口噤目閉神昏此乃內挾濕滯痧穢外感戾毒暴寒折伏表裏為病陰陽不通最屬危候每至朝發夕死不能過兩三日者若投寒涼清解有如操刃急進藿香正氣散加煨葛根牛蒡子蟬衣焦麴等味一兩劑得暢汗吐瀉厥止痛停痧得煖赤扶過三日庶無妨礙但此症吐瀉之後津液大傷必然發渴思冷切勿與吞冷水甘蔗水梨一切寒涼之物切忌切忌一凡熱邪壅於肺逆傳心胞絡痧疹不得出或已出而復沒者乃風寒所遏而然若不早治毒必內攻以致喘急音啞而死急用升麻葛根湯加荊芥牛蒡子桔梗蟬退櫻桃核浮萍草枇杷葉等煎服外用芫荽酒苧麻蘆酒裏之痧疹復出喘之乃可無虞倘體質單弱者不能透達需用透邪煎或柴歸飲發之如進二湯仍不煖赤者急進託裏舉癰湯一凡痧疹只怕不能出若出得暢盡其毒便解故治痧疹者貴慎於始發熱之時當察時令寒暄酌而治之倘時令嚴寒即桂枝葛根湯或麻黃湯俱可用勿拘辛溫遲疑二湯內俱加入牛蒡子蟬衣桔梗發之如時令大熱以升麻葛根湯加牛蒡辰砂蟬衣益元散發之如果熱火充熾稍加生石膏三四錢亦可倘時令平和以荊防葛根湯加浮萍草發之務使發得透暢莫使其絲毫逗留致生變幻纏綿痧後切忌大葷海鮮酸鹹滯辣之物以杜後患切囑切囑

論症續要

一凡服表散之劑。必得汗至。足心痺。痧透。咽痛止。胸悶舒。方無餘邪。若有痧汗少。或痧現即隱。症勢最險。或痧後重感風邪。或食新鮮發物。必有餘毒為患。俗稱痧尾是也。痧膠痧癰。痧癆。內外諸症百出。慎之。

一凡服事之人。最為要緊。必須老成可靠者。約日終夜。不得倦怠。病人不可脫裹衣。以被緊蓋。出汗後。不可使露。致汗不暢。若任性貪涼。雖方藥中病。亦難奏效。蓋痧邪當發出之時。病人每悶。不可耐。稍一反側於被內。使露以為適意。痧點即隱。毒從內陷。過意即速死之道也。

一凡痧多屬於肺。陽氣從上。頭面愈多者為吉。若餘處見而面部不見者。名曰白面痧。白鼻痧。症最重。必多用升發之劑。至於痧多屬於脾。隱在皮膚之間。或成塊如雲頭而突。多起於手足身背之上。發則多癢。或麻木。是兼濕疫之故。藥宜佐以滲濕祛疫。有先見痧後見痧。亦有痲而不痧。痧而不痲者。亦有喉腐不見痲痧者。表汗則一也。

一凡喉痧由來已久。綱目云。天行喉痺。一鄉相似。屬運氣之邪火。或寒藥下之。酸藥點之。鬱其邪於肉。不得出也。正傳云。火性急速。發必暴悍。必以從治之法。甘桔荊防。加以溫藥為導。徐徐頻與。不可頓服。切不可驟用寒涼之藥。繆仲醢云。痧疹不宜依症施治。惟當治肺。使痧疹發出。則了無餘蘊矣。

一凡神昏譫語。惟當透肺邪。不宜用寒涼。即使痧回脫皮。舌紅唇燥。餘火熾盛。只須輕清。

洩肺為主。是集後方藥中所不載者。明眼人當深知其意。

一凡咽喉閉。毒氣歸心。胸前腫滿。氣煩促。下部洞泄不止者死。若初起咽腐。嘔吐清水。神昏。張目無神者。亦不救。

要方

荆防葛根湯 葛根一錢半 牛蒡子 三錢 桔梗 錢半 炒荊芥 錢半 枳殼 一錢 白杏仁去皮

錢便瀉者勿研 生甘草 四分 土貝 三錢去心研 炒防風 錢半 加浮萍草 三錢 防風荊芥不炒亦可。

升麻葛根湯 痧點隱隱不遠者用之 升麻 五分 葛根 錢半 赤芍 錢半 荊芥 錢半 牛蒡 三錢 桔梗 錢

半 蟬衣 一錢 櫻桃核 三錢 浮萍草 二錢 生草 四分

託裏舉癰湯 升麻 一錢後不用 柴胡 五分 歸身 五分瀉者勿用 赤芍 一錢 浮萍 三錢 水炙甘草 五分

原方有白芷 一錢 製山甲 一錢 當酌用之 蟬衣 牛蒡 荊芥 象貝 隨症可加。

透邪煎 柴歸飲與此相同加柴胡 防風 荊芥 升麻 炙草 蟬衣 牛蒡 歸身 赤芍

藿香正氣散 茅朮川朴濕重舌白膩者用 蘇葉 藿梗 桔梗 陳皮 製茅朮 厚朴 蟬衣

生甘草 牛蒡 茯苓 焦神麴 半夏麴 煨葛根

玉鑰匙 即子字吹藥 治一切喉症腫痛腐爛。長肉生肌。始終用之。製元明粉 五錢 礞砂 五

錢 硃砂 六分 冰片 五分 製蠶 五分 用新傾銀罐。先礞後硝。層層間鍊。如昇枯礬之狀。鬆

脆為貴。研極細末。置冷地出火氣。後加冰片。金不換方。即前方加人中白三錢。青黛三錢。其元明粉入西瓜皮內。冬天懸當風。瓜上糊孔。孔中鑽出之硝。名曰瓜硝。又方加西牛黃三分。瀟珠細末三分。杜牛膝汁末皆可。然此屬有餘家用之。亦可不。總以子字吹藥為準。

申字嗽喉散

元明粉

七兩

雄黃

三錢

右研細末。用二三錢調入蘿蔔汁。燉溫一大碗。

以羊毛筆蘸汁洗掃之。或嗽喉吐去老痰。如有杜牛膝打汁調和更妙。但不可多。恐防作瀉。辰字探吐方。治牙關緊閉。吐藥之最靈者。真膽礬三錢。即石膽也。冬月用青魚膽拌。陰乾。研極細末。水調送下。此藥入口無有不嘔者。一切喉腫乳蛾。吐出頑痰立斃。如

無青魚膽製者。亦可用。

無價散

徐洄溪方

治悶痧不出。亦治悶痘。

雄猪糞

三錢

臘月用火煨至煙盡。水漂白。研洗

淨。

冰片

二分

絹包投入煎劑內。立驗。

異功散膏藥

厚婦忌用。切勿入口。

斑蝥

四錢

去翅足。糯米炒黃。去米不用。此米須與磚石同包。

沈於大河之底。誠恐食毒人。至囑至囑。

血竭

沒藥

乳香

全蝎

元參

各五錢

香

冰片

各三

右為細末。磁瓶固封。一切喉症及牙痛。用尋常膏藥一張。取此散黃

豆大。搽膏藥上。貼痛處外皮。左貼左。右貼右。貼二三時。即起泡。銀針挑破。即愈。凡險症

起。泡更速。此乾隆丁未河南北。方。全活無算。



備急方 巴豆肉以紙壓取油作搃子點燈吹滅以烟熏鼻中一時口鼻流涎牙關自開

或用草麻子油亦可 又方巴豆肉研爛棉裹隨左右塞鼻中左右俱塞

一字散 猪牙皂角七角 雄黃二錢 生礬 藜蘆各一錢 蝎尾七枚 右為末吹少許入鼻

即吐痰皂角搗爛一味醋調入喉四五匙亦吐

荊防敗毒散 此方專治一切時行疫氣在人畜症加減用之 防風 荊芥 柴胡

前胡 羌活 獨活 甘草 桔梗 枳殼 川芎 牛蒡 薄荷 茯苓

爛喉痧吹藥應效方 西牛黃五釐 指爪甲五釐 上濂珠三分 青黛六分 龍腦

片三釐 壁喜窠二十個 象牙屑三分 右七味和勻研極細末磁瓶盛好

瓦上焙黃之藥放在地上候出火氣

刺法

少商穴在大指內側之端去爪甲殼如韭菜許左右同以針刺出血治喉閉

委中穴在膝蓋對後大小腿交界縫中治同上

急治法

凡喉症初起一日內頭頂有紅點一粒急將銀針挑破擠出毒血用水薑蘊桐油擦之若

過一週時此點即隱

痲痧採用諸藥





咽喉專劑 桔梗 生甘草

發表之劑 荊芥 防風 牛蒡 葛根 前胡 紫蘇 蟬衣 浮萍 淡豆豉

黃冬寒必用麻黃輕則三分重則六七分

透邪之劑 升麻 柴胡 葛根 西湖柳 雄猪鬃

解毒之劑 射干 殭蠶 人中黃 青綿線

消毒之劑 馬勃 赤芍 蟬衣

祛疫之劑 蘇子 土貝 象貝 杏仁 瓜蔓霜 射干 鮮石菖蒲汁 杜牛膝汁

竹茹

理氣之劑 陳皮 枳殼 蘇梗 鬱金 木香 香附 烏藥 沉香 砂仁

消導之劑 查炭 枳實 厚朴 檳榔 青皮 神麴 麥芽 萊菔子

清熱之劑 連翹 黑梔 桑葉 桑白皮 丹皮 地骨皮 知母 花粉 枇杷葉


石膏

養陰之劑 鮮生地 細生地 北沙參 霍石斛 麥門冬 必清者方可用

瀉火之劑 黑豆 赤豆 綠豆 各升半 生甘草 一錢 同煎 以上諸藥原為不能延醫者

居家倉卒。隨症採取數味。加入煎方。大略而已。高明勿哂其陋。然亦不外乎此也。

喉癰吊痰藥 神效



天名精。子曰鶴虱。根名杜牛膝。俗呼臭花娘草。四五月間最繁。處處有之。採取極易。用井水洗去泥。連根葉搗取濃汁。入淺口瓦盆子。晒微乾。可丸。每丸重五分。晒極乾。磁瓶收貯。勿洩氣。否則即化為水矣。如遇疫聲漉漉。喉間脹塞。及乳蛾等症。用兩三丸。醋研如漿。用羊毛筆蘸之。在喉間連探三兩次。疫即吐出不脹塞矣。其妙如神。牙關閉者。灌汁鼻中。亦可。倘遇氣欲絕者。將濕棉花捲急抵住冀門為要。恐其氣走下也。再服煎劑。

### 又方

用天名精汁丸。將陳年福珍酒燉微溫。化服一丸。蓋煖避風。出暢汗即愈。如症重者。如至三四丸連服之。如症犯於四五月。取根連梗葉。舂許。搗汁碗許。陳福珍酒隨量。或二三杯。沖和燉溫服之。得汗或大吐而愈。

### 葉天士先生醫案

附錄

雍正癸丑年間以來。有爛喉痧一症。發於冬春之際。不分老幼。遍相傳染。發則壯熱煩渴。疳密肌紅。宛如錦紋。咽喉疼痛腫爛。一團火熱。內熾。醫家見其火熱甚也。投以犀羚芩連。梔膏之類。輒至隱伏昏閉。或喉爛廢食。延挨不治。或便瀉內陷。轉眼凶危。醫者束手。病家委之於命。孰知初起之時。頻進解肌散表。溫毒外達。多有生者。內經所謂微者逆之。甚者從之。火熱之甚。寒涼強遏。多致不救。良可慨也。

爛喉疳痧輯要終



民國六年

# 急文弄症要法

佩建題



金匱要略

金匱要略

金匱要略





急治喉痧要法

今庚申地喉病流行。傷人過於咸豐癸卯年。浙省疫氣流行。變患痘疹爛喉等病。更酷且廣。今將杭州周光遠所刊名醫王士雄先生醫案中保痘喉神妙三方。併論及治驗可法者三案。指盡病機。治法絲絲入扣。暨抄近時上海諸善士印送白喉忌表書中之三方。與王氏大意相同。專主清降氣火。敗滅血毒。無一味表散提透害人之藥。合二書推治喉患。實活命仙法。濟人寶筏也。今均照原書刊錄於後。

錄論

上年秋燥冬煖。霜雪稀少。河水乾涸。吾杭自九月間起。天花流行。十不救五。小兒之殤於是者。日以百計。先生曰。此痘疫也。治法當與常痘有異。惜幼科未之察耳。且天令發泄。不主閉藏。入春恐多喉患。特刊加味三豆飲方。俾未曾佈痘者。預服免患。將出者。恣飲冀輕。又勸人頻服青龍白虎湯。以杜春來喉患。不料其言果應。三春不雨。喉症甚多。醫者猶不悟其致病之因。僅知發散。正如火上添油。先生胸有成竹。一以仲聖白虎湯為救焚主劑。藥若已及於營分者。用晉三犀角地黄湯相機加減。又刊青龍白虎湯暨錫類散方。廣為印送。賴此以活者。不可勝數。

加味三豆飲

生萊豆

生黃豆

生黑大豆

或用生白扁豆亦可

金銀花

生甘草

水煎服

先生原刻自注云。古方三豆飲。為痘證始終可服之妙藥。未出時常服。痘可使稀。將出

急治喉痧要法

時急服重可冀輕已出時恣服逆可轉順盡出時頻服毒可易清俗傳種痘是密室烘花更有初生小兒於十八日內服藥令其出痘之法是揠苗助長此等矯揉造作陰受其害者古今來不知幾恆河沙數矣至於種種稀痘之方皆無意義或以毒藥損人元氣或以穢物致生別恙慎勿為其所惑惟此方藥極簡易性最和平味不惡易辦易服不必論其體質久服無弊誠盡善盡美之王道藥也杭人惑於患痘不食豆之說甚屬可鄙今特辯明冀人醒悟凡小兒能啜飲後即以此藥日日代茶誠保赤之首章焉原方用赤豆性燥傷陰予以黑大豆易之更有補陰之績雖燥令燥體皆無礙矣再益銀花甘草而化毒之功尤勝或疑銀花性涼似難久用不知三豆皆穀也性皆實脾得銀花以濟之更覺沖和況小兒體純陽極宜此甘涼補陰之味豈特稀痘尤能明目消疳不生瘡癰泄瀉等病其功未能殫述也

青龍白虎湯

橄欖

生蘆葦

水煎服

先生自注云此予自製方也橄欖色青清足

厥陰內寄之火風而靖其上騰之焰蘆葦色白化手太陰外來之燥熱而肅其下行之氣合而為劑消經絡留滯之痰解膏粱魚麵之毒用以代茶則龍馴虎伏臟腑清和豈但喉病之可免耶且二味處處皆有人人可服物易功優久任無弊實能弭未形之患

勿以平淡而忽諸

錫類散

吹至喉間痛除為度推治諸毒下疳

西牛黃五釐

象牙屑焙三分

飛淨青

黛六分 人指甲六釐

男女各三釐 真珠三分

梅花冰片三釐

壁錢二十個

俗名喜兒 藥木板上

不用 共研極細吹入患處流出惡涎即愈

先生自注云此專治爛喉痧疹之神方也

尤鶴年載於金匱翼云張瑞符傳此方以救人而得子故予名之曰錫類散

### 治驗三案

段春木之室爛喉內外科治之束手姚雪蕉孝廉薦先生視之骨瘦如柴肌熱如烙勸服阻於咽喉不能咯吐須以紙帛攪而曳之患處紅腫白腐齧舌皆糜米飲不沾汛事非期而至按其脈左細數右泣滑曰此陰虧之體伏火之病失於清降擾及於營先以犀角地黃湯清營分而調妄行之血續與白虎湯加西洋參等肅氣道而瀉燎原之火外用錫類散掃疫腐而消惡毒繼投甘潤藥蠲餘熱而充津液日以向安月餘而起

吳雨峯明府家囑兒科為其仲郎所出之兩孫種痘下苗二三日發熱咽疼醫以為痘之將形也投以升透之藥赤斑似錦喉爛如焚半月之間闔家傳染諸醫莫敢入其家先生往診時見其三郎耕有四郎小峯尚未病亟曰已病者固當圖治未病者尤宜防患傳以青龍白虎湯代茶恣飲竟得無恙其令閭洪宜人及仲媳皆為之治愈此外如其長媳其令媛其三孫其僕其探病之女戚殞於是病者七人焉時雨峯築巖兩喬梓咸官於外仲郎亦幕遊江右不料因種痘而釀此家禍益信先生勸人勿種痘之說可訓也種痘之法以人巧而奪天工原屬妙法但須慎於擇時若疫氣流行之時感其氣者尚有腫頭